



Broj: SuPK-04-932/24-I
Brčko, 17.05.2024. godine

SAOPŠTENJE ZA JAVNOST

**VLADIMIR BABIĆ IZ BRČKOG PRAVOSNAŽNO OSUĐEN NA 6 MJESECI
ZATVORA ZBOG PRIMANJA DARA I DRUGIH OBLIKA KORISTI**

U krivičnom postupku koji se vodio protiv Vladimira Babića iz Brčkog, prvostepenom presudom Osnovnog suda Brčko distrikta Bosne i Hercegovine, broj 96 0 K 141028 22 K od 30.9.2023. godine optuženi je oglašen krivim da je počinio krivično djelo *Primanje dara i drugih oblika koristi* i nepravosnažno je osuđen na kaznu zatvora u trajanju od 1 (jedne) godine. Optuženom je izričena mjera bezbjednosti zabrane vršenja dužnosti čuvara šuma u Odjeljenju za poljoprivredu, šumarstvo i vodoprivredu Vlade Brčko distrikt BiH i svim drugim tijelima koja se bave pitanjima vezanim za upravljanje šumama u trajanju od 3 (tri) godine računajući od dana pravosnažnosti presude, te se od istog oduzima imovinska korist od 600,00 KM, dok se optuženi obavezuje na isplatu novčanog iznosa srazmjernog pribavljenoj imovinskoj koristi u iznosu od 1.650,00 (jednahiljadastotinapedeset) KM u roku od 30 (trideset) dana računajući od dana pravosnažnosti presude.

Vladimiru Babiću je stavljeno na teret da je u periodu od jula do avgusta 2021. godine, na području Brčko distrikta BiH, postupajući kao čuvar šuma za privatne šume, zaposlen u Odjeljenju za poljoprivredu, šumarstvo i vodoprivredu Vlade Brčko distrikta BiH za obavljanje poslova premjera, žigosanja i otpreme izrađenih šumskih drvnih sortimenata, svjestan da zahtijevanjem i primanjem novca da izvrši otpremu drvnih sortimenata i da ne obustavi nedozvoljenu sječu stabala u šumi pribavlja sebi imovinsku korist, što je i htio, u više navrata i zahtijevao, a zatim i primio novac od B. M., kako ne bi obustavio sječu stabala koju su B. M. i H. S. vršili bez neophodne dokumentacije i odobrenja ili kako bi izvršio otpremu drvnih sortimenata koje su M. i S. posjekli na osnovu prethodno dobijenih odobrenja.

Vijeće Apelacionog suda Brčko distrikta BiH je dana 12.04.2024. godine na javnoj sjednici donijelo presudu kojom je odbilo žalbu Tužilaštva Brčko distrikta BiH, a djelimično uvažilo žalbu braniteljice optuženog i prvostepenu presudu preinačilo na način što je optuženog Vladimira Babić, oglasilo krivim da je radnjama opisanim u osuđujućem dijelu ove presude (tačka I izreke) počinio krivično djelo *Primanje dara i drugih oblika koristi* i osudilo ga na kaznu zatvora u trajanju od 6 (šest) mjeseci, koja je po ocjeni ovog suda adekvatna svim

okolnostima počinjenja i konkretnoj težini krivičnog djela, istom presudom, Vijeće je optuženog oslobodilo od optužbe da je radnjama (opisanim u tačkama od 1. do 4. izreke ove presude) počinio *produženo krivično djelo Primanje dara i drugih oblika koristi*, budući da tokom prvostepenog postupka, na temelju dokaza provedenih u dokaznom postupku, nije bilo moguće na pouzdan način utvrditi da je optuženi počinio navedeno krivično djelo.

U izrečenu kaznu zatvora optuženom je uračunato vrijeme provedeno u pritvoru od 30.08. do 29.09.2021. godine, od optuženog se oduzima imovinska korist stečena počinjenjem kaznenog djela u iznosu od 600,00 KM, dok je odbijen prijedlog tužioca da se optuženom izrekne mjera sigurnosti zabrana vršenja dužnosti čuvara šuma u Odjeljenju za poljoprivredu, šumarstvo i vodoprivredu Vlade Brčko distrikta Bosne i Hercegovine i drugim tijelima koja se bave pitanjima vezanim za upravljanje šumama.

Pomoćnik sekretara-portparol
Pravosudne komisije

Dejan Nišić